



# **AS 'T NIET AANS KAN, MAKEN KLEREN DE MAN.**

**Bliedspul in drie bedrijven  
in het Zuid-Oost Drentse dialect**

**deur**

**JANNES BENNEN**

**TONEELUITGEVERIJ VINK B.V.  
(Grimas Theatergrime verkoop)  
Tel: 072 - 5 11 24 07  
E-mail: [info@toneeluitgeverijvink.nl](mailto:info@toneeluitgeverijvink.nl)  
Website: [www.toneeluitgeverijvink.nl](http://www.toneeluitgeverijvink.nl)**

## VOORWAARDEN

Alle amateurverenigingen die het stuk: **AS 'T NIET AANS KAN, MAKEN KLEREN DE MAN** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JANNES BENNEN** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

**Copyright: © 2015 Anco Entertainment bv - Toneeluitgeverij Vink bv**

**Internet: [www.toneeluitgeverijvink.nl](http://www.toneeluitgeverijvink.nl)**

**E-mail: [info@toneeluitgeverijvink.nl](mailto:info@toneeluitgeverijvink.nl)**

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: [www.ibva.nl](http://www.ibva.nl)

Email: [info@ibva.nl](mailto:info@ibva.nl)

ING bank: 81356 – IBAN: NL08INGB0000081356 BIC: INGBNL2A

**Geen enkele andere instantie dan het IBVA heeft de bevoegdheid genoemde rechten van u te claimen, of te innen.**

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

### **Vergunning tot opvoering:**

1. Aankoop van minimaal **12** tekstboekjes bij de uitgever.
2. U vult het aanvraagformulier in op [www.ibva.nl](http://www.ibva.nl) of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

### **Vergunning tot HER-opvoering(en):**

1. U vult het aanvraagformulier in op [www.ibva.nl](http://www.ibva.nl) of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

**Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.**

**Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.**

**Rechten BELGIË: Toneelfonds JANSSENS, afd. Auteursrechten,  
Te Boelaerlei 107 - 2140 Bght ANTWERPEN Telefoon (03)3.66.44.00.  
Geen enkele andere instantie heeft de bevoegdheid genoemde rechten  
van u te claimen, of te innen.**

## **PERSONEN:**

Koert Bos - Eigenaar kledingverhuur bedrijf

Jantien Bos - Vrouw van Koert

Kris Bos - Zeun van Koert en Jantien

Alie Bos - Dochter van Koert en Jantien.

Opa - Koert zien va

Tante Gees - Zuster van opa.

Toos Oosting - Metwarkster in verhuurbedrief.

“Poepie” Geert Jansen - Gemienteraodslid en vriend van Toos.

Dirk Brunning - Buurman van Koert en Jantien.

Sinie Pots - Gemiente-ambtenaor

Karel Kiers - Docent van Alie en Kris

Paula de Groot - Docent van Alie en Kris

## **DECOR:**

De inrichting bestiet oet een winkelpand waar een aantal rekken met allerlei soorten kleren in stiet. An beide ziedkanten een deur, ien as winkel deur en de andere giet naor privé. Tegen de achterwand hef de winkel 2 pashokkies met gardienen d'er veur. D'er hangt hier en daor grote foto's van verklede mensken tiedens eerdere evenementen. Een mooi aangeklede etalagepop in de winkel zul ok mooi lieken.

Goed zichtbaor stiet een taofel met 2 stoelen. Op de taofel stiet een neimesien.

## EERSTE BEDRIJF

*(Toos zit achter de neimaschien een broek te verstellen)*

Tante Gees: ( *Op via winkel deur. Hef een stuk of wat plastic zakken bij zuch*) Moi Toos....

Toos: Goeiendag Gees, ok weer bij 't pad?

Tante Gees: Kiek, 't zit zo... de burenen hebt de zolder opruimd en die kwamen nog wat goed tegen wat weg kun. En dan vind ik 't aaid zunde um dat in die Humana bakken te gooien. Dus ik zeg tegen Griet: "Doe mij dat goed maor met want misschien hef Koert d'er nog wel wat an...".

Toos: As 't gewone kleren sint dan kunt wij d'er niks met.... Daor hebt wij zat van. 't Möt wal spul wezen wat de mensen miestentieds zölf niet meer in hoes hebt.

Tante Gees: Non moe'j niet net doen of ik veur de eerste keer hier kom. Ik weet ok wal dat as de mensen 't spul zölf in hoes hebt dat ze echt niet hierhen komt om 't te huren.....

Toos: Nou ja, ik wol 't gewoon maor even zeggen.....

Tante Gees: Is oes Koert ok in de buurt want dan kan ik 't hem even zien laoten...

Toos: Hie is achter...Hie zit in de papieren in verband met die oetbreiding...

Tante Gees: Dan vind ik hum wal... *(Of naor privé. Nemt de zakken met. Toos giet wieder met heur naaiwark)*

Kris: *(Komt vanof privé)* Heb ej mien kleren al klaor, Toos?

Toos: Ej denkt toch niet dat ik kan heksen, is 't wal? En ik heb meer te doen dan allien je feestkleding in orde te maken...

Kris: Maor 't schoolfeest is volgende week al....!!

Toos: Dan heb ik ja nog een week tied...

Kris: Dat ha'j dacht... Vandaag of morgen komt ze allemaol van school hierhen um kleren te huren, en dan zie ik de bui al hangen.....

Toos: Wat was 't thema van jullie schoolfeest ok al weer..?

Kris: Drentse mythen en sagen..... Dat kan dus van alles wezen, van Witte wieven tot an Ellert en Brammert.....

Toos: O ja.... en Alie en ej gingen as Witte wieven.....

Kris: Juust...en daorum wil ik geern dat oes spul straks klaor is want misschien kom ej d'er daornao niet meer an toe....

Toos: Zo gauw ik tied heb gao ik d'er met an de gang, dat beloof ik je... Trouwens, die Witte wieven... was 't ok niet zo dat die veurspellings deden en zo...?

Kris: Daor weet ik niks van... Hoezo?

Toos: Dan kunt jullie je pap toch mooi even veurspellen of 't allemaol deurgiet met die oetbreiding zo as hie van plan is.....

Kris: Ik weet niet of oes pap op een veurspelling zit te wachten... Ik denk dat hie liever gewoon met de feiten te maken hef..... 't Zint hum niks dat Dirk Brunning bezwaorschrift indiend hef.....

Toos: 't Zul ok jammer wezen as 't niet deur kun gaon... Wij barst hier jao bijna oet de voegen... Zit ik hier achter zo'n klein taofteltien en kan mij de kont bijna niet keren... 't Wordt echt tied dat ik een aparte ruimte krieg veur 't naai- en verstelwark.....

Opa Bos: (*Op via winkel deur. Löp met een rollator.*) Heui... Ik zag oes Gees hier naor binnen gaon..... Had ze wat biezunders....?

Toos: Goeiendag Bos... Je zuster had nog wat kleren opscharreld en dacht dat je zeun d'er misschien nog belang bij had....

Kris: Moi opa..... Ik gao d'er weer vandeur...Ik heb zo mien eerste uur op schoel...(*of via deur privé*)

Opa: Dag mien jong, doe maor goed je best op schoel,..... Daor he'j later een hieleboel an.....

Toos: Toch mooi da'j zo dichtbij woont hé..? Ej weet aaid votdaolk wie hier de winkel in en oet giet...

Tante Gees: (*Op vanoet privé*) Dan niet...!!!! (*tegen Toos*) Hie hef d'er gien belang bij..... Niet biezunder genug, zeg hie... Maor hie denkt toch niet dat ik 't met weerum sleep...

Opa: Moi Gees.... Of heb ej de pet al weer verkeerd staon...?

Tante Gees: Of waren ej d'er ok al ies weer.... Ej loopt hier de deur ok plat dunkt mij...

Opa: Och... oes Koert en oes Jannie hebt d'er gien problemen met, zeeden ze... 't Is wat ofleiding zal'k maor zeggen... Aans zit je ok maor de Hiele tied in hoes...

Tante Gees: Ik mag hopen dat je Koert tegen je wat beter te spreken is dan tegen mij... D'er kun gien goed woord of.....

Toos: Ik zee toch dat hie in de papieren zat...!

Tante Gees: Maor daorum kan hie zien tante wal fatsoenlijk te woord staon...! Hie hef even in de puuten keken en 't ienigste wat hie zee was: "Allemaol rommel....".

Opa: Dan zal 't wal zo west wezen...

Tante Gees: Loop toch hen schieten...! Maor hij huuft er niet op te rekenen dat ik hum nog ies weer wat breng..... Toen de zaken nog niet zo goed gingen was hie blied met alles, maor nou...???

Opa: Wees blied dat de zaken goed gaot... Toen hie mus stoppen met de boerderij hef hie 't moeilijk zat had... En op zien leeftied nog ies wat aans begunnen valt niet met...

Tante Gees: Zal allemaol wal zo wezen, maor daorum huuft hie nog niet zo tegen zien tante te doen... *(Of via winkel deur)*

Toos: Dat is er ok ien... Die he'j zo op de kast....

Opa: Ze is nog nooit aans west... 't Is dat 't mien zuster is, maor aans... Ze is heur hiele leven al vrijgezel en hef aaid daon waor ze zölf zin in had... Ze hef nooit rekening met anderen holden...

Toos: Dan hoop ik niet dat ik ok zo word... Ik ben ja ok nog vrijgezel....!

Opa: Daor zul ik maor niet over inzitten wicht... maor ik heurde dat ej wat scharrelerij hebt met "Poepie" Jansen..?

Toos: Hie het gewoon Geert heur...!! Waorum elkenien hem Poepie nuumt weet ik ok niet, maor ik vind 't wal hiel vervelend.....

Opa: Ik ken hum niet aans as Poepie en ik denk dat ik d'er ok nooit an zal wennen um hem Geert te nuumen... Ik wus gieniens dat hie eigenlijk Geert heette... Ik loop even hen oes Koert, ik zie je daomit misschien nog wal... *(Of naor privé. Toos löp naor ien van de rekken en trekt daor wat in de kleren)*

Dirk: *(Op via winkel deur, zöt Toos niet)* Volluk...!!!

Toos: *(Komt achter rek vandaon)* Stil maor, ik ben d'er ja .....

Dirk: Dag Toos Oosting, is je baos d'er ok...?

Toos: Goeiendag Brunning...ja, Bos is er wel...Zal ik hem even veur je roepen?

Dirk: Dat mag wal.... Is hie een beetie goed te spreken...?

Toos: Non nog wal...*(Of naor privé. Dirk kek wat rond en neust wat in de kledingrekken. Haalt er een hangertien oet waor een jurkie en ok een damespruik bij ophangt en zet die op zien heufd. Pakt dan 't jurkie en holdt dat veur zich. Giet veur de pas-spiegel staon um te kieken hoe 't liekt)*

Sinie Pots: *(Op via winkel deur. Hiel drok en zenuwachtig type)* Goeiendag mevrouw.... Ik ben op zuuk naor de heer Koert Bos... Meneer Bos zal 'k maor zeggen....

Dirk: *(Trekt snel de pruik van 't heufd en gooit het jurkie van zich of)* Ik eh... Dit is een vergissing heur...Ik was gewoon even wat an rondneuzen...

Sinie: "t Stund je niet slecht..... Veural dat haor paste goed bij je... Oh .. eh .. sorry heur... ik bedoel niet dat je eigen haor je niet stiet of zo...maor ... nou ja... Maor ik begriep dat ej Koert Bos dus niet sint.....?

Dirk: Nee, zeker niet... Ik ben zien buurman, ik ben Dirk Brunning....

Sinie: Kiek ies an...Dirk Brunning. Dat sint twee vliegen in ien klap....Ik eh... ik bedoel dat is ok toevallig zal 'k maor zeggen... Ik ben Sinie Pots en ik ben van de gemiente....Van 't gemientehoes

zal 'k maor zeggen en ik ben hier um de oetbreidingsplannen van Bos te bespreken. Maor daor is een bezwaarschrift tegen indiend deur een zekere Brunning.... Ben ej dat toevallig...???

Dirk: Jao...toevallig ben ik dat...

Sinie: Oh gut... wat een toeval...!Wat komt dat dan goed oet... Dan kunt wij de zaak misschien wal gezamenlijk even bespreken.... ( *Intussen komt Toos en Koert op vanoet privé*)

Koert: Goeiendag.... Wat wollen ej gezamenlijk bespreken...? ( *Toos löp deur naor heur taofeltie en giet wieder met heur wark*)

Sinie: Oh gut...ok goeiendag... ik ben Sinie Pots van de gemiente zal 'k maor zeggen ... en eh... ik wark daor ok...enne ....en ik kwam even langs veur die oetbreidingsplannen van je.... enne... oh gut... non tref ik je buurman die daor bezwaor tegen indiend hef hier ok toevallig... En toen dacht ik.....

Koert: Ho maor ies even.... ej loopt wal arg hard van stapel...

Sinie: Och gut... ja, ho maor even...Ik dacht gewoon dat.....

Koert: 't liekt mij beter dat ik eerst maor ies met je de zaak bespreek en dan kiekt wij daornao wal hoe 't wieder mot... ( *tegen Dirk*) Ik begreep van Toos dat ej mij spreken wollen maor dat komt non vanzölf wal arg ongelegen...

Dirk: Dat begreep ik Bos... 't Liekt mij ok beter dat ik een ander maol ies weer kom...( *Wil of gaon*)

Koert: .....Tenzij ej hier kwamen um te zeggen dat ej je bezwaor intrekken wilt...!!!

Dirk: Daor kwam ik zeker niet veur...!!

Koert: Dan kan 't allemaol ok wal even wachten... Loop ej maor even met naor mien kantoor vrouw Pots, dan kunt wij daor de dingen wat rustiger bespreken...

Sinie: Oh gut.. .. ja vanzölf.. naor je kantoor zal 'k maor zeggen.. ( *samen met Koert of naor privé*)

Dirk: Zo gemakkelijk komt hie d'er niet of... Zeg Toos, heb ej niet wat scharrelerij met Poepie Jansen...? Die zit toch in de gemienteraod of niet...???

Toos: Géért Jansen en ik hebt verkering ja... en as ej hum Poepie nuumt dan heb ej 't bij mij non al verbreuit...

Dirk: Ik bedoel vanzölf Géért Jansen... Wat denk ej Toos... zul 't wat oethalen as ik ies met Poe...eh .. ik bedoel...Geert gung praoten...?

Toos: Over die bezwaoren van je tegen de oetbreiding...? Ej moet doen wat je niet kunt laoten Brunning, maor ej denkt toch niet dat ik je bij Geert gao anbevelen...? Koert Bos is toevallig wal mien baos.....



Dirk: Jawel....jawel...maor hoe lang nog .....? As mien bezwaoren gegrond verklaord word dan kan Koert zien oetbreiding op de boek schrieven en dan is 't maor de vraog of zien zaak nog bestaonsrecht hef...

Toos: (*Kwaod*) Ben ej bereid um zo ver te gaon dat Koert Bos zien zaak op de fles giet...!!!??

Dirk: Maak je non maor niet zo drok... As ik je non ies een baan anbiet en je honderd euro in de maond meer betaal dan lig 't toch allemaol wat aans of niet...??

Toos: Volgens mij ben ej bezig um een hiel gemien spellegie te speulen, Dirk Brunning.. En ik heb 't gevuul dat ej mij daorbij wilt gebruiken.... En daor pas ik veur...!!

Dirk: Ej weet niet wa'j zegt...Denk er maor ies over nao...En trouwens, dit gesprek hef nooit plaats vunden... Ik zal aaid ontkennen dat wij met mekaor praot hebt, en dan is 't je woord tegen dat van mij... De groeten... (*Of via de winkel deur*)

Toos: (*Ontsteld*) Wat een lelijke patjakker... Mij een beetien proberen um te kopen...Smeergeld nuumt mien Geert dat...!

Opa: (*Op vanof privé*) Zo, ik heb mien koffie weer had... 't Is toch gezelliger um hier even koffie te drinken dan allien thuis.....Ik heb even bij Jantien zeten want oes Koert was in gesprek.... Is er wat wicht...? Ej ziet er zo raar oet....

Toos: Wat mij net is overkomen daor ku'j met je verstand niet bij... Die Dirk Brunning vreug net of ik bij hum in dienst wil komen veur honderd euro in de maond meer... Volgens hum giet de zaak hier op de fles as de oetbreiding niet deur giet.....

Opa: Zo.... denkt Dirk Brunning dat...? En um dat een beetien te versnellen wil hie jé alvast hier weghalen...? Dat zal hum niet glad zitten....

Toos: Maor as Brunning in 't geliek steld wordt met zien bezwaor dan wordt 't denk ik ok moeilijk... De vraog naor kleren veur speciale feesten wordt allien maor groter en wij hebt gien enkele meugelijkheid um dat allemaol oet te stallen....

Opa: Maor waarom zul Brunning in 't geliek steld worden...? Zien bezwaor is dat hie een diel van zien oetzicht kwiet raakt, maor dat wil toch niet zeggen dat daorum de bouwvergunning ofwezen wordt...? Dan zul er toch nooit en nargens nog bouwd kunnen worden... want 't oetzicht verandert toch aaid as d'er bouwd wordt....?

Toos: 't Is hum blikbaar nogal wat weerd um 't tegen te holden en hie wil d'er ok nog wal een vuil spel veur speulen...

Opa: Ik weet niet of de gemiente daor intrapt... Ik denk dat die

gewoon de regels en 't bestemmingsplan volgt...

Toos: Dat hoop ik dan maor...Brunning vreug zölfs of ik een goed woordtien veur hum kun doen bij Geert Jansen.....

Opa: Bij wie.....??

Toos: Geert Jansen..!!! Die zit jao in de gemienteraod..!

Opa: Ohh... Poepie !!

Toos: Hie heet gewoon **Géért** Jansen....!!! Dat heb ik je zonet ok al zegd...!

Opa: Ik ken hum niet aans as Poepie Jansen, maor as ej geern hebt dat ik hum Geert nuum.... mien zegen heb ej....!

Toos: Ik vind 't vreselijk dat de mensken hum Poepie nuumt.... Dat is jao een hiele lelijke bijnaom...

Opa: Maor elkenien weet wal wie d'er met bedoeld wordt... Maor goed....ik begriep dat jullie samen wat hebt, en dat Dirk Brunning daar gebroek van maken wil...

Toos: Maor dat zal hum vast niet lukken, want Geert laot zuch niet maor zo bespeulen...

Opa: Misschien niet... maor wij kunt 't daar niet op an laoten komen.....

Toos: Wat wil je aans doen dan....?

Opa: Dat weet ik nog niet.... daar moet ik ies even rustig over nao denken... (*Of via winkeldeur*)

Koert: (*Komt met Sinie oet privé*) Dan wacht ik verder maor of hoe as 't oetpakt... Ej sint non tenminste op de hoogte wat oeze bedoeling is.....

Sinie: (*Nog steeds hiel drok en nerveus*) He...? Oh...Jao, en ik heb ok even kunnen kieken wat eventuele gevolgen veur de bureen sint as de oetbreiding deurgiet, zal 'k maor zeggen...O, guttegut... Dat is veur mij ok belangriek um te weten in verband met 't bezwaarschrift van ien van je bureen zal 'k maor zeggen...

Koert: (*Löp met heur naor de winkeldeur*) 't Beste dan maor.... en dan wacht ik gewoon nog maor even of...

Sinie: Ja, 't Beste... en ik denk da'j..... oh guttegut...met een week of wat wal oetsluutsel hebt.. (*Of*)

Koert: (*Tegen Toos*) Nou... 't zal mij neidoen hoe dit oflöp... Ik heb niet bepaold 't idee dat dit non een deurtastend type is.... wat een zenuwpees..... ik dacht dat ze op 't gemientehoes allemaol wal tot rust kwamen.... maor goed, ze zal d'er wal niet allien over beslissen...

Toos: En Dirk Brunning zal ok de neudige argumenten anvoeren om zien bezwaor kracht bij te zetten...

Poepie: (*Op via winkeldeur*) Goeiendag samen....

Toos: Geert...!!! Wat kom ej hier non doen...???

Koert: Moi Jansen...

Poepie: Wicht, ik wol ies even kieken of ej wal an 't wark waren...

Toos: Gekkerd...! Daor geleuf ik niks van...

Poepie: Is ok niet zo... Ik kom hier even um wat met Bos te overleggen...

Koert: Giet 't over de verbouwing die ik van plan ben....?

Poepie: Verbouwing...? Nee, heur... daor heb ik gien bemeuierenissen met... dat doet de ambtenaren wal.... Daor heb ej as raadslid niet zoveul met van doen... Ik kom veur wat aans...

Koert: Waor kan ik je dan met helpen...?

Poepie: "t Zit zo... ien van de wetholders giet weg en dat wilt wij op 't gemientehoes een beetien ludiek neerzetten...

Koert: En hoe hadden ej dat dacht....?

Poepie: Nou ja... daorveur ben ik juist hier....Ik hoop dat ej misschien bepaolde ideeën hebt hoe wij dat zullen kunnen doen...

Koert: Tja.... ideeën zat... maor 't möt vanzölf ok oetvoerd worden...

Poepie: Eigenlijk wol ik vraogen of dat ok niet vanoet hier regeld kun worden...? Ken ej niet een stuk of wat mensen die zukswat kunt...? Ej kriegt 't wal betaald..!

Koert: Laot mij ies even naodenken.... Hoe zullen ej 't vinden um de wetholder deur een stuk of wat zwarvers op te laoten halen umdat hie straks bij wieze van spreken warkloos is en zogenaamd op straot stiet....?

Poepie: (*enthousiast*) Dat liekt mij prachtig...!! En heb ej dan ok wat mensen die veur zwarver wilt speulen...?

Koert: Wij sint een professioneel bedrijf en dit soort dinger regelen wij vanzölf ok allemaol... Themafeesten en zo dat is juist oeze specialiteit...

Toos: Daorum wil Bos ok zo geern oetbreiden Geert...! Hie kan alles lang niet meer kwiet en d' er komt juist steeds meer vraog naor dit soort dinger.... En in de oetbreidingsplannen zit ok een eigen naaikamertien veur mij... Moe'j zien hoe ik mij hier moet behelpen...!!

Poepie: Daor heb ik nauwelijks invloed op Toos... Dat doet de ambtenaren... Maor dat idee van je dat stiet mij goed an, Bos... Kunnen wij daor wat over ofspreken...?

Koert: Wat mij angiet wal... Ik stel veur um een stuk of drie, vier zwarvers tiedens de ofscheidsreceptie binnen te laoten komen. Die gaon dan zogenaamd de receptie wat verstoren en oeteindelijk neemt ze de wetholder met naor boeten...

Poepie: Geweldig... Dat möt dan zo'n beetien an 't eind van de

receptie gebeuren...Aans gef 't vanzölf teveul verstoring...

Koert: En wanneer möt dit allemaol gebeuren...? Ik bedoel welke daotum...?

Poepie: 't Wordt kört dag, want die receptie is overmorgen al... 't Idee kwam nogal plotseling op, vandaor... Of lukt 't dan niet denk je...?

Koert: Dat is wal aordig krap... Miestal heb ik een stuk of wat jongs die ik inzet veur dit soort dinger maor of mij dat non lukt dat weet ik niet... Ze warkt overdag vanzölf en of ze op zo'n körte termijn nog vrij kunt vraogen weet ik niet...

Poepie: Dat zul toch jammer wezen... en een andere oplossing is er niet...?

Koert: (*naodenkend*) Ik denk dat 't wal lukt...Gao d'er maor van oet...

Poepie: Dat is mooi... Dan laot ik 't wieder an je over... En as d'er nog wat is dan heur ik 't wal.... Ik bel morgen sowieso nog wal even....

Koert: En de kosten..... Hoe doet wij dat...? Kan ik de rekening gewoon naor 't gemiente hoes sturen...?

Poepie: Ja... Maor doe 't even ten name van mij, dan zorg ik dat 't vlot afwarkt wordt...

Koert: Best... 't komt allemaol goed veur mekaar denk ik...

Poepie: Mooi... dan gao ik er weer vandeur... Toos,.... zie ik je vanaovund nog...?

Toos: Geern...! Ik heb vanaovund niks biezunders...

Poepie: Goed... 't Beste dan maor... (*Of via winkel deur*)

Toos: Wat een lieverd, hé...? Wij kunt 't zo goed met mekaar vinden...

Koert: Ik wus eigenlijk hielemaol nog niet dat jullie wat hadden samen.....

Toos: 't Is ok nog niet zo lang, heur... Een week of wat en dan schrouw ej zukswat ok nog niet zo hard van de daken vanzölf...

Koert: Daor he'j geliek... 't is wal een geschikte man, dunkt mij zo... Duudelijk, zakelijk en ok niks gien verbeelding of zo...

Toos: 't Is gewoon een lieverd...! Maor hoe doe'j 't non met doe zwarvers...? Ik denk nooit dat de jongs nog vrij kriegt... 't Is veuls te kört dag...

Koert: Ik weet 't, maor ik vund dat ik dizze kans niet kun laoten schieten...Weet ej waor ik an zat te denken...?

Toos: Nou...? Ej denkt toch niet dat ik....?

Koert: Nee, ik weet dat zukswat hielemaol niks veur je is.... Ik zat er veul meer an te denken um oes Kris en Alie te vraogen samen met mien vao en tante Gees...

Toos: Oei...! Kris en Alie hebt dit soort dinger wal ies vaker daon, maor je vao...? En dan ok nog je tante Gees.... die hef de kop non al hielemaol verkeerd staon...!!

Koert: Ik weet 't... Maor ik moet toch wat... En as Kris en Alie non 't veurtouw neemt dan möt 't toch lukken, dunkt mij... Mien vao en Tante Gees huuft verder niet zoveul te doen....

Karel: (*Komt samen met Paula op via winkeldeur*) Goeiendag... Meneer Bos neem ik an...?

Koert: Goeiendag, Ja, ik sint Koert Bos... en met wie heb ik de eer...?

Karel: Ik ben Karel Kiers en dit is Paula de Groot... Wij sint docenten op de schoel waor Kris en Alie hengaoet en wij hebt volgende week een schoelfeest...

Toos: (*komt naor veuren*) Goeiendag... Ik sint Toos Oosting en ik heb er al 't neudige vanheurt... Kris hef mij al an de kop lopen zeuren um zien kleren op tied klaor te hebben. En die van Alie ok trouwens...

Paula: Ej sint dus al hielemaol op de hoogte van 't ien en 't ander...Dan weet ej dus ok al wat oes thema is dit jaor...?

Koert: Toos wet dat misschien wel al maor ik nog niet...

Karel: Wij hebt as thema: mythen en sagen... en wij hebt de studenten vraogt um zoveul meugelijk as dat soort figuren te komen...

Paula: Maor wij as docenten doen ok met, dus wij sint ok op zuuk naor geschikte kleren... En van Kris en Alie begrepen wij dat jullie een kledingverhuur hebt en zodoende sint wij non hier...

Koert: 't Is mij duudelijk... En weet jullie al hoe as jullie naor 't feest willen...? Wat veur kostuums sint jullie neudig...?

Karel: Wij hadden 't zo bedacht dat ik Ellert of Brammert zul speulen en dat Paula verkleed zul gaon as Marieke... 't wicht dat ze gevangen höld...

Koert: Juust ja.... (*tegen Karel*) Dus ej moet iets hebben met een berenvel of zukswat en een paar halfhoge leerzen. En een biele vanzölf.....

Karel: En een baord... !

Koert: Ja... en een baord... En ej.. (*tegen Paula*) Ej moet vanzölf een soort jurkie hebben van een biestenvel of in ieder geval wat olde lappen... En misschien een paar olde leren sandalen... enne... ok een pruik met lang haor vanzölf....

Toos: Volgens mij hebt wij daor nog wel wat van liggen, maor waor...? Ik geleuf dat wij dat in deuzen daon hebt en op zolder hebt zet...Wij hadden d' er hier gien plek meer veur...

Als u het hele stuk wilt lezen dan kunt u via [www.toneeluitgeverijvink.nl](http://www.toneeluitgeverijvink.nl) de tekst bestellen en toevoegen aan uw zichtzending.

Voor advies of vragen helpen wij u graag.

 [info@toneeluitgeverijvink.nl](mailto:info@toneeluitgeverijvink.nl)

 072 5112407



**“Samenspelen” is ons motto**